

FINIHO YAN ESTORIA GINEN C.N.M.I. ARCHIVES  
KOLEHON NORTHERN MARIANAS

IMA INTERVIEW  
MANUEL D. MUNA

IMAN INTERVIEW  
SENOT HERBERT S. DEL ROSARIO

FECHA  
FEBRERU 08, 1991

LUGAT  
CHALAN KANOA, SAIPAN

TINIGE YAN TRINANSULADAN  
SENOT DAVID R. OMAR  
JULIO 1997

GINEN KOPORASION I KOLEHON NORTHERN MARIANAS ARCHIVES, PUMOSIBLE  
I FONDU GINEN I OFISINAN WAR IN THE PACIFIC NHP YAN AMERICAN MEMORIAL  
PARK, U.S. NATIONAL PARK SERVICE THROUGH THE ARIZONA MEMORIAL  
MUSEUM ASSOCIATION, HONOLULU, HAWAII, C.N.M.I. HUMANITIES COUNCIL,  
YAN I ADMINISTRATION PARA NATIBON AMERIKA (A.N.A.)

## INTRODAKSION

Esti na programa mafato ginen. Olympio T. Borja, Memorial Library, Pacific Collections yan Archives, gi anai para bain rikobe siha, I estorian Marianas, pot I manaotaota ni man munetbi un tiempo, gi gobietnota parehu ha gi komunidad yan gi bandan gobietno, pago na haane malagoyo na bai hu faisen, uno na sidodanon Marianas, ni manetbi abmam tiempo gi gobietnota, ya sangane hit finenena ni naana, ya hu sangane hit didide pot guiya.

Thank you, Mr. Rosario, guaho si Manuel Diaz Muna, un tungo ha, ginen un tiempo man hita mangachong man machocho, parehu ha maseha staff member hao gi kongreso yan lokue hu setbi I publiko. I tetminoko gi kongreso, mas ki bentu ocho anos, ya maolek sa guaha iyon miyo ideu ni para ina posible, na hu guaha esti siha na matiriad para I famaguonta, ni man kokokoulu ya uma tungo mas, I estorian iya Marianas. Bai sangan finenena, gi taiguine na, gi man malofan siha na tiempo, I estudio yan eskuela guine giya Marianas, parehu ha desti tiempon Espanod, Aliman, Chapanes yan, Amerikano, guaha siha difrentes klase yan apertunidad man manahe I Chamorro, anai para ufan eskuela, desti tiempon Espanod, Aliman, Chapanes, yan Amerikano, lao pago na tiempo, I Amerikano na eskuela, mampos adbedto yan ancho para I famaguon, ni para ufan manungo, sa dankulo, I fasilidad, kantida na salape, I administrasion hananahe, para huna siguru, na I famaguonta siha man ma eduka. Bai nahe hao un hemplo, tatte gi tiempon Espanod, sigun I leblo siha ni ta tataitai, I estoria siha, ni man masangangane hit, ginen manainata, gi tiempon Espanod mampos limitu I tiempo, ni para un eskuela, sa I fasilidad ti gof nahong, tatkomo sina mafanague hao didide, taimano para un tuge naanmo, dididi para un fanatai, yan I haane, ni un atetendi I eskuela, ti parehu yan antes yan pago, sa gi sigun I estorian I man amko yan I man matuge siha papa, na estorian I Marianas, unos kuantos oras ha, gi haane, gi tiempon Espanod, tiempon Aliman yan esti lokkue tiempon Chapanes, ti todo taotao sina man halom, gi eskuela gi latatkilo na eskuela, man ma aayek, ya tisina man manahe hit apertunidad, ni para tafan tatkilo gi eskuelata, gi tiempon, esti tres na nasion, ni fumatoigwe hit guine, desti tiempon Aliman, Chapanes yan Espanod, esti I Amerikano, hago pago ni estudiante para un diside, kao un kontinua ya un sigi mona umaprubecha, I apertunidad ni man mananahe hit, sa puloku menos, angen hu birayo tatte, gi tiempon I Hapones na tiempo, I man amkota siha, man manahe siha para ufan eskuela, tatkomo eyi na fananaan 3<sup>rd</sup> grade or 4<sup>th</sup> grade, sanengse o mafananaan yonengse, lao tisina mas kahulo, sa sina I Chapanes hapopolu na komo esta I Chamorro man sen malati pat Gupallao, sina binira hinason niha pat hafa, ginen enao na rason na mampos I edukasion nu,

mampos limitu para I taotaota, ti parehu yan pago gi tiempón Amerikano. Estige na distination guaha, gi entalo I kuarto na nasyon, ni man manahe hit apertunidad, pot asunton edukasion. Malagoyo lokkue na entingo, maseha para iyon miyo record, an haye siakasu na, machule esti tatte I finoho para reference, gi duranten I tiempoko, gi tiempón Chapones, para bai eskuela gi Yocheng, eyi kindergarten, lao dumimalas sa humalom I gera, ya ti humeskuela ha yo esta, sa humalom I gera, despues anai magpo I gera, man mapolu hit, gi Camp Susupe, un ano, dos anos, taya ha eskuela, ni hafafa ha, na eskuela, man mapolu hit, gi Camp Susupe, pues anai man ma-move I taotao, ginen Camp Susupe esta guato Chalan Kanoa, eyigi nai ma establesi, mana fan danna ha todo guato, ti ilekna kuantos anos hao, despues ni masipararao, I pot idad, I famaguon, gi kada kuato yan gi kada eskuela, ginen enao ni machalapon, lao gi duranten I tiempoko, yan I umasaguako, taya mas ke I nuebe grado, gi eskuela, enao ha na tiempo, esta esti mit nuebe santos, sisenta na sakan, ni gumuaha high school, lao I Katoliko muna guaha high school, tatatte I Gobietno na high school.

K-1. Si Yuus maase, Mr. Muna, gi bandan ikonomia, Hafa mohon inatanmo gi bandan ikonomia giya Marianas, gi tiempón I Hapones? Kao maolek mona I ikonomia pat maolekna pago na tiempo?

Mr. Rosario, I tiempón Hapones, sina ta polu, pot linal mamoble, tododo I gaige gi halom propiedadmo, tododo I gaige gi halom finkasmo, I bisita tatkomo, I Chapones ni humalom, ha nisisita giya hita, pues tododo, sina ha tabendi, parehu ha, sina un bendi I hayu, manule hao hayu ya unbendi guato gi Chapones, sa I Chapones taya tanona, ni pao fanule hayu, sina inapase hao, mamuno hao guaka, sina un nahe kueru, ya mafatinas sapatos bula, sa hita ni Chamorro, ti tatungo enao siha I mamatinas dogga, gi tiempón Chapones, na I Chapones tumungo mumixklada I hanom yan I lasas kamachile, ni pao malasas I kueron I guaka, pues ginen enao, nai sina mamatinas hao kueru, pues an mamatinas hao kueru, sina mamatinas hao hafa siha nai, sapatos pat sandalas, you know, lao guihe na tiempo. mampos limit I ikonomia, lao I abundansia, para I taotao tano, guihe na tiempo, bula, bula abundansia, linala I tano, parehu ha, guaka, manok, babui, kana taya ha sina un fahan guihe na tiempo, sa bula I taotao man, ti maangongoku I ginen hiyong na ninahalom, tatkomo I, Aliman guihe na tiempo, tinataka tres mesis, I estaki huhalom I batko, desti I Alimania, esta esti, todo enao siha na tiempo, pues I Hapones talo, tinataka mesis, para hufato magi, enao siha, I asukad, pugas yan kechap pat hafa siha ni eyi ti tafatitinas yan ti talilie na klase, ya eyigi na guaha na biahe nai ikonomia ta tulalaika, esti na kosas Chapones yan guinahata nai, taiguenao manok, babui, guaka, tapupuno ta nanahe siha lokkue, ha nanahe hit, kalan eyi sina tahalok trade, you know, taiguenao siha na man

masusede siha, gi tiempon Chapones.

I ikonomia mampos limit, mampos eyi ilekniha, mampos eyi ilekniha, mampos mahetok, yanggen ti machocho hao, pues kana ti chumocho hao, lao I abundansia gi tanota, parehu ha I tase yan I tano , guaha guihe na tiempo, sa I populasion, anggen ti lacheyo , sigun gi record, ni humanteteni gi mit ocho sentos, kuarenta, na sakan, tres sentos benti nuebi ha na population, 1840 is only 320 people on this island, so like I said, after the Spanish and the German, the population increase.

K-2. I otro na subject, malagoyo na bai pacha bandan impliao, guaha un hasso taotaota, man ma impleleha gi gobietnon Hapon, I Hapones, anai man estaba guine?

I man ma impleleha gi gobietnon Chapones, mampos limitu siha, tatkomo eyu siha taiguine pago I man machochocho, gi Post para man mandiliban katta nu fanan tres o kuarto ha, man machochocho gi Post Office Chapones nai, sa I Chapones, ti hatungo I Chamorro mano ni para u fan manahe siha, ni kosas niha nai, eyu na anggen ti lacheyo, gi duranten Post, guaha hu hasso dos Chamorro , enao as Joe Camacho ilekna as Josen Pakpak yan si Betti Torres, guaha siha Chamorro man machochocho gi Post, pot I matungo ha I taotao, lao para un fachocho gi taiguihe pago I, fuera I Pulisia nai, sa I Pulisia pinad guaha Chamorro siha man makone, pot para uma tungo haye eyi na taotao, sa I Chapones ti hatungo I Chamorro, ti hatungo I Gupallao, ya eyi na man makokone esti siha pot para uma tungo haye eyi na taotao.

K-3. Ya I bandan tano, an ti lachayo, areglao I bandan homestead yan osino agriculture homestead, gi tiempon Chapones, sigun gi I record I Archive nai, sina un sangane hi dididi pot esti bandan tano, eyi land ownership, gi fino English?

I pot asunton tano guine yanggen ti lacheyo, I Chapones anai pago humalom, hatutuhon siha, eyi fumatinase record na eyi na tano, guaha siha gramensod man mamimide, lao hasan eyi gi magahet mangai titilu, fuera ha ki eyi Chapones ha intires, tatkomo I kohachu, intires na para hufahan I tano, yan pat sino pou atkila I tano, eyu na hana fatto mismo gramensodna, ya hana mamidi, para hutungo kuantu na midision, sa gi tiempon Aliman, taya enao agraminsod ni para humidi mano China, I linderon I tanomo I Aliman, I administradod nai, sa si tataho, kusuneron si Magalahen Fritz, I fenenena na Magalahen Aliman, pues sinangane na ilekna, "an malago hao tano, hanao na gasgas desti eyu mano untancho para yamo. hanao kayon eyu, anggan sina unkayon eyu na inanaku, eyigi iyomo, mano huna

sina, huna manana, eyigi I Aliman. Pues I Chapones anai humalom, eyigi anai para hututuhon esti I kohachu. fuere de I kohachu, guaha dos na kompania humalom, gi mit nuebe sentos, katotse, ya ti gof maolek bisinisna, nu ta polu komo broke, lao humalom talo otro n kompanian Chapones, gi mit nuebe sentos, benti dos, esta I benti kuarto na sakan, ti gof maolek. Esta ki humalom ha esti kohachu, eyi ilekna, Nanyo Kohachu Kabusi Kaisa, nai sigi mona a estudiaye, hafa taimano na broke, eyi finenena yan I sigundo, ya puno hususedi gui lokkue na hu broke nai, pues eyu na hatituye esti I Chamorro humatkila tano niha yan guaha siha man mafahan. Chamo malelefa gi record na, esti Chapones nai, gi Amerikano anai magpo I gera, I Amerikano ilelekna na, todo Chapones ni mamahan tano, antes, antes de Matso, gi dia benti siette, gi mit nuebe sentos, trentai sinko, maseha hafahan I Chapones, maseha ha atkila I Chapones, kumeke ilekna nu, gai balj, lao I Chapones, desti ki ha atkila I tano, desti Matso, gi dia benti siette, gi mit nuebe sentos, trentai sinko na sakan, para mona, maseha hafahan, maseha ha atkila, I Amerikano, ti ha rekognisa, eyu na finahan yan inatkilet, pot I rason na, I Chapones, esta guenao na tiempo, malelefa, hana halom I reportna gi ligat gi nasion.

K-4. Un hasso ha I naana, I Presidenten I NKK?

I NKK taya tiningoho naana, gi magahet si Harui Machuwe, lao mafananaan Machuwe Sacho, sa I sachu kumeke ilekna gi fino Chapones, boss or general manager, owner, si Machuwe Sacho guiya esti na taotao humiskuella, giya Amerika, ya ma gradua gi Universidad, gi mit ocho sentos, ochentai sais, na sakan, 1886, nai ma graduate gi University giya Amerika, ya eyigi anai humano tatte Hapon, nai ha establesi, gi mit nuebe sentos, benti tres na sakan, anai humalom Saipan, ya hatutuhon umistablesi I Kohachu pot kompanian tupu, I asukad, layeye I Chapones guine muna ha establesi I asukad, guaha esta intensiona, desti ki anai pago magpo I geran numiru uno nai, they need the molasses, you know the sugar, they need the molasses to make alcohol, to make alcohol, to make powder, you know for the ammunition nai, that's the interest of the Japanese, that they come to Saipan and they have some sort of agreement, eyi guaha iyona inatungo, amikible agreement, because they are on access power that time, and the German give to the Japanese, in 1914, I think it was October, the 1<sup>st</sup> battle ship that came over here, with the Japanese group, that was October 5, 1914. The ship came here and stayed for about five days, I have a record, I can give it to you that record. It was extracted. So that's the first Japanese came over here.

K-5. Mr. Muna, fuera de I NKK nu, taya indostrian I bandan I eyu mahalok fishing industry, giya

Marianas, gi tiempon Hapones?

I tiempon Chapones, fuera de I NKK guine na uyu, ha establesi gui, eyi ilekniha Nanyo Tapioca Kaisa, eyi pot esti I Mendioka. Ma nesisita esti siha, tatkomu starch, eyi harina yan hafa siha nai, ginen I Mendioka. I shipping, eyi I sambasi, eyi I songose sambasi, eyi anai humalom I Chapones guine, gi para hu guaha esti fishing company, hunggan guaha siha, ya man ma training I taotaota muchumas I Gupallao siha mas, man mapulo komo maolek man peska, ya eyu na man makone para peskadod, in fact anai magpo I gera, man manahe ni fishing boat, I Chamorro, I Gupallao siha nu mumaneha, ya bumula, ni esti fish, chuka man taimano kinini niha, ti bali sa tisina mabendi nai, dididi ha na taotao guenao na tiempo.

K-6. Ya an ti lacheyo, pago na tiempo giya Marianas nai, yan maseha todo I tano, nu bandan transpotasion, ta huhusa, kana kada guma, gai kareta, sina un sangane hit dididi pot bandan transpotasion, gi tiempon Chapones?

Ya I tiempon Hapones, I transpotasion hasan man gai kareta. Pinad eyu ha siha I ta polu komo eyu siha I patte man asague yan Chapones, sina man manche kareta. Nu an ti lacheyo, gi hiningoko ha esti, na I familian Blanco, familian Machinaga, familian Obu siha man gai kareta, gi tiempon Chapones, sa siha nu mana fan hanao para Hapon, ya man eskuela pot makinista, sa I Chapones tisina hao mana fanugon kareta yanngen, ti huntungo mumakenista nai, ti parehu yan pago, mo chuka matod kanaimo, automatic nai, yemi ha I batunes sa mapos, enigi na guaha siha, lao ti gof megai, I transpotasion I Chamorro, I mas layeye, I karetan guaka, guaha tatungo siha, gi tiempon Chamorro siha man tulalaika tano yan un toru, you know, pot taiguenao siha, sa valuable I toru gi guaka nai.

K-7. Ya esti I bandan familia, I tiempon Chapones, ha sedi ha na hufan asagua I Chamorro yan I Chapones osino tisina?

Taya gi tiempon Chapones nu eyi ma prebeniye na tisina umasagua, lao antes de hu asagua nu, kalan eyi ilekna na ma gegef hatan kao, hafa na familia hao para un asagua yan Chapones, sa sina mapolu na mampos tatki I Chapones para I taotaota nai, lao taya iyona nu prohibition or restriction na tisina umasagua, guaha siha gi tiempon Chapones, man asagua yan taotao tano. Sa huntungo ha na I Chapones, debi de un familia, taimano ha eyi, hinenggin I Empiradod na para siha ha siha, lao taya guine giya Marianas hutungo nu, na man ma prebeniye na tisina man asagua yan taotao tano yan

Chapones.

K-8. Ya an ti lacheyo, sigun gi estorian Hapones, ilelekna na I Chamorro, osino I Karolinas, I Gupallao, man mapolu komo, sigenti osino tetsero na eskalera taotaogui, eyi I third class citizen, Hafa sinentin niha, I natibu ni esti?

Enao I para husangan na ti parehu, I gradon I Chapones, I Gupallao yan I Chamorro, enao maseha haye enao, yanggen husuesuedo hao, sina bai halok nu hago na, you are 2<sup>nd</sup> generation or 3<sup>rd</sup> generation nai, eyi I lao yanggen hita sumesuedo I Hapones, sina lokkue tasangane siha na, you are on 3<sup>rd</sup> generation, lao tatungo ha nai, na enao siha na taotao man matto magi, man sinapopota ni dangkulo na kompania nai, na ti parehu kapasidadta, sa gi tiempon Aliman yan Espanod, tana sesetbi pisetas, pesu nai, anai tiempon Aliman tana sesetbi eyi ilekna mob, I salape niha nai, I Aliman, anai humalom I Hapones, tana setbi pago yeng, pues anai humalom Amerikano, tana setbi dala, sa yanggen guaha salapeta, ni taimano ha Yap nai, ni ti bumale, salape Amerikano nai, tisina hao mamahan, ni salape Amerikano tano giya Yap, debi un fanule acho, ya una aridondo, pues parehu ha, yan pago na tiempo, taya giya hita, guihe na tiempo, pues sina esti Chapones, Aliman yan Espanod, ha polu hit ha na, man eyi, Chapones mafananaan santo kokomin eyi kalan slave hit para siha.

K-9. Ya bandan rilihon nu, I Hapones, ha sedi ha I Chamorro ni iyon niha freedom, ni para huma atendi I rilihon niha, I Katolisisimo?

Gi tiempon Hapones taya esti ha probeniye, Chamorro ni para hafa na rilihon ni pou gaige. Esti ha anai esta para gera, nai sigi man masoyu I taotao tano para hufan machocho gui hulo gi plasa, eyi ilekna I Kaisobu, pou fan machocho happy leba nai, ya para uma chogue I plasa mano I sina, estaki para anai, despues ha nai mabomb Pearl Harbor, nai kalan makat I esti siha man hobensito na kinahulo. gi tiempon Chapones, in fact, kontodo I famaguon eskuela, I kindergarten siha man mana fan machochoguine na lugat, esti as Joeten pago nai, plasan Chapones eyu, ya man machochogue nai, eyi famaguon mana fan machochocho, todo esta taya gui eskuela esta debi ha, de eyi ilekna labor nai, ya I malago gi labor, makastitiga.

K-10. Yaki humahalom hit guenao gi bandan gera, Kuantos anos hao, anai matto I gera?

Anai pagpo I gera, duranten I gera, ocho anos idadho, para nuebe anosyo, na tiempo gi gera, guaha esta

siha hu hasso, gi tiempon gera. In fact nu manasaga ham esta Tutturam, eyi pago San Vicente, sa man masangane I Chamorro gi siuda, giya Garapan na pou fan huyong gi siuda, sa yanggen siakasu na gera, I siuda finenena mapaki nai.

K-11. Lao mano nai man hatok hamyo anai gera?

Un dia antes de hu fatto I gera, man managa ham gi liyang, guaha guihe liyang gi fion lanchon mame, na dangkulo na liyang, bula ham na familia guihe man halom, mas ke kuarto sentos, na Chamorro man halom guihe na liyang, ya eyigi sinetena, eyi anai man gaige ham gi gera, gaige esti as Tun Pitu, ilekna, Jose Reyes Sablan, si Tun Josen Pitu, guiya tumungo fino Espanod, sa lala tiempon Espanod. Pues I Kapitan I Army anai man halom gi liyang, man mamaisen finenena, kao man katoliko hamyo, ya anai man masangane, gi fino Espanod, hunggan mangatoliko lao bula Chamorro gi sanhalom, eyi nai man maagang todo I Chamorro huyong, lao guaha lokkue man hahame yan Chapones, mangaige gi halom liyang, pues eyi nai, madagao halom ya eyu nai, megai man matai gi sanhalom, kontodo Chamorro, guaha lokkue chiluhu matai.

K-12. Teneki tafatto guenao na banda nu, Taimano tungo miyo na magpu I gera yan man nahong hamyo nenkano durante I gera, gi halom liyang?

Yanggen ti lacheyo lai Herbert lai, anai kuarto dias ha nai humalom I gera, man makone ham lai, sa humalom gi kinse gi Hunio, man makone ham I disi nuebe, I gera nai, gi dia disi nuebe gi Hunio, nai man makone ham, guato hi Camp Susupe, lao protective I militad nai, sa esta eyi na lugat, ma secure, sa eyigi mahatme finenena, pues guaho pago ni uno, mana sagayo gi espitad I batko, makoneyo huyong, sa dinanche nai nu, esta lamas esti adengho, dinanche anai madagao halom I terudang, dinanche I adengho, ya kuarto dias pumokpuk, esta bumuche, ti ma aamte na eyi ha ma sasaosao, pues infection, ya makoneyo, lao gi halom I three weeks, makoneyo tatte Susupe, mana fan danna ham tatte yan I, lao I biridaho tatte, esta eyi chiluhu ni uno na palaoan nai, matai ya mahafot esta, matai gera.

K-13. Enigi siha, bula taotaota man malingo, mayulang guma niha, osino man matai I pineksai niha yan tinanom niha, Anai matto I bandan claim nu, in report enao siha halom, ya man ma apase hamyo ni enao siha?

In fact nu, machochoyo lokkue gi War Claim Commission, nai gaige yo gi kongreso, boluntarioyo guihe. Megai siha taotao nu, man nahalom claim pot asunton distrosion gera, guaha eyi ilekna Pre-war

Claim and Post-war Claim, eyi kumeke ilekna, rumisponsasable I Chapones, anai duru I batiya, yan I Amerikano rumiponsasable, despues de magpo I gera, lao guaha siha n distrosu nai, I Post Secure claim yan Pre-war Claim, guaha siha, I Chamorro siha hu hasso, guaha siha man nahalom siha claim, mayulang guma niha, guaha eyi ti mayulang lokkue, lao mabudosa papa nai, guaha eyi masongge, guaha eyi na taotao siha, I kosasna, gi halom gumana, hatufong todo, gi hinasona ha, ha hasso, na eyigi na kantida I iyona, gi halom guma niha nai, no?

Tisina bai halok na precise yan accurate eyu na figures, lao esta puloku menus, guaha finanunue hao na afadavits, na estigi malinguna, gi durante I gera.

K-14. Maning, kana kada sakan ta silelebra I haanen anai man masotta I Chamorro gi Camp, eyi mahahalok, Camp Susupe, Guaha siha taotao nu sumasangan na, I gate, gi magahet, man masotta I Chamorro giya Chalan Kanoa, I propio, I Post Office pago osino eyu I Munisipad?

Anai malibirate I Chamorro, gi July 4<sup>th</sup>, gi 1946, na sakan, hu hasso ha, kuarentai sais, man estaba esta todo esta I taotao, Chalan Kanoa, manasaga pinad ma concentrate ha gi Chalan Kanoa eyi na guma siha I guma Kohachu, kalan siha I ti man mayulang, pues eyigi, man magoti ha eyu, pues eyi ni man gaige, I Chamorro, lao I Chamorro man estaba gi Camp Susupe, mana fan siparao, I Chamorro, I Kinawa, yan I Chapones yan I Korean, ti man parehu nai, pues I Chamorro man makone guato gi 1945, giya Chalan Kanoa, pues I 1946, hi July 4<sup>th</sup>, nai mababa I gate, lao nichuka mababa I gate nai, tisina humanao para chagu siha na lugat, sa puruha militad, parehu ha iya Obyan iya Kagman, todo matansa puruha militad, siha nai, pues ti todo lugat nai sina hao humanao, solo ki mente, guaha atungomo pat guaha amigomo na, pon kineni guato nu, gi mano na sagan militad.

K-15. Antes de ta huchom, malagoyo na bai faisen hao uno na impotante na kuestiona, Yaki I man malofan na tiempo, guaha hu hasso na estoria un na halom, pot si Amelia Earhart, ilekmo na, ni masasangan na estaba Saipan, mapresu giya Garapan gi, I preson I Chapones, sina un sanganeyo dididi ni enao?

Nu si Amelia Earhart nai, iyona proposito ilekna porou circumnavigate I tano, circumnavigate, kumeke ilekna pou lilikuhe tododo I tano, lao si Amelia Earhart, despues nai matungo na I hinanaona, ninahanao I Presidente as President Roosevelt, ni para hu atan I islas Pasifiko, I alimenton I Chapones, gi 1937 na sakan nai, pues si Amelia Earhart, anai manahe ni eyi na batkon aire I Lucky Delectra,

humanao guato gi Perdue, University, Kansas City, ya manaye ni eyi litratu, eyi camera siha, ni mas man guaguan siha na klasen camera, lao si Amelia Earhart, hunggan sigun gi testimonio siha ni hu imbistiga, I man amko siha, tatkomo si Tun Jesus Fain, si Tun Jesus Salas, si Akinan chiluhu, sa machocho si Akinan chiluhu lokkue gi magas eyi Pulisia, nu muchacha, ya an para hu bento, humahanao hulo gi presu, Garapan, ya eyi nai halilie, eyu I lahe yan I palaoan, yan guaha siha Chamorro I hu imbistiga ya, imatungo na hunggan I palaoan, lao taya kabales tumungo, hafa taimano na matai, si Amelia Earhart, sa eyi ilelekna gui na, sigun gi testimonio, gi hutimo, as Tun Jesus Fain, sa si Tun Jesus Salas guiya sumisiha gi halom kalabosu nai, ya ilelekna nu guaho ilekna, "Manning", an ti lachigui I bihu, ilekna, "dos mesis antes de hu halom I gera, malaknos un eyi dos, ya eyi na humanaona, ti matungo humanao mano, kao mapuno pat hafa," guaha lokkue hulie guine gi halacha nu, mafatinas anai matto guine eyi unsolve mystery, from Los Angeles, matto guine ya, guaho maespihiha, lao guaha iyon mame contract na ilekna, pa-bai tagam siha gi Sabalu, ya pa-bai konne siha, ya pa-bai espiha I lugat; ya pa-bai fanuhe siha, lao esti siha man matto gi Friday, ti man hafakcha ham, pues man hanao guato gi Visitor Bureau ya mafaisen I Visitor Bureau, mano nai sina ma locate yo, pues they looking around forme, for that day, lao tisinayo masodda sa gaige lokkue na suma sightseeingyo nai. lao si Earhart iyona precise nai mapaki papa, giya Marshall Island kasi kana guaha tres mesis. antes de humamaila guine, gi early 1938, I mean 1939 na sakan, nai matto si Amelia Earhart ya mapresu, desti eyu na tiempo sumaga guine sa gaige guine I Nanyo Chokang, eyi mafananaan, South Sea High Commissioner, gi Head Quarters Saipan, eyu na mana fatto magi guine.

K-16. Si Yuus maase Mr. Muna, guaha otro mas para un sangan, pot I pago na haane tapapacha I bandan estorian Chapones, nu antes de tahuchom, nu guaha otro malago hao para un sangan pot I tiempon Chapones giya Marianas?

Esta buenti kana tododo takaba, nu hu aatan esti iyomo questionnaire nai, Mr. Rosario, yanggen magof hao, ya malago hao lokkue ya sen magofyo lokkue nai, na I record ni para un fatinas para hu, ti guaho ha mismo, sa ti sina bai halok na todo palebraho dinanche, lao anggen malago hao lokkue, na para un intetpeti, sina un compile tododo esti pago, siempre malingo I estorian I Marianas todo tatte.

FINAGPO: Si Yuus maase talo Mr. Muna, teneki ha bain hagang hao magi yanggen para bain polu esti na dokumento gi final form, gi fino English, ya bai nalie hao mano siha malagomo para talaknos yan mano tana fan halom.

An malago hao, otro biahe ya para un interview-yo, an malago hao fino English nai, ti problema sa hutungo ha fino English.

Ok, Si Yuus Maase

Ok, Thank You